

翁後張氏族譜  
(上)



民國丁巳仲冬

1917

翁 后  
張氏族譜

舜臣氏脩輯

張氏族譜序

自吾世族以來而譜錄之傳播厥有年矣毋論簪纓縉紳之  
胄榮枯有稽即谿谷士庶之家統系可紀獨吾宗也乎哉吾  
宗張氏出於清河而根幹枝蒂蔓延於天下是有此生則有  
此姓有此姓則有此祖雖世邈乎而鏡厥鬚眉一脉相承寧  
無水木之緒乎翻閱故實溯回往蹟繇漢而唐唐而宋我張  
氏之為名卿顯宦者大都聲名藉甚然乘槎識源假筮知陸  
崑崙為萬山之祖星宿為萬水之宗我張氏之祖寔無壽馨  
號汗青者乎奈何世遠湮泯族大分紀有一派而分為數派  
者有同郡而分為異郡者有同籍而分為別籍者以始祖視  
之均是子孫也宋元以來我祖有 日中公者仕於宋逢時  
不辰與文天祥趙時賞等興師勤王死於國難其後日中生  
孔陽孔陽生德夫若子若孫均之名掛天朝身隸王國無何





德夫公以官賍事累乃始隱晦於泉數十載子孫蕃衍如椒  
之實如爪之縫星分基布韜迹塵全一住本鄉一住南安  
一住漳平一住還集之藍田一住本鄉之清溪元末至正間  
海內煽亂呖鼻蝟起 義安公性孝義緣父先故母王  
氏葆貞秉節負母逃亂避居山堡門衰祚薄惟以孝奉萱  
闈為事爰於我

朝洪武五年十一月二十六日欽遵

聖旨給領戶帖<sup>也</sup>廁名圖籍時 義安公年三十有二娶葉氏年  
二十有四祈嗣於惠林院正順王生二年長妃乞次美發而  
胤祚之昌熾其始基於此矣至宣德八年妃乞克續先業膺  
里徭役妃發之後有卜居南安者蟬聯主組遷徙漳平者馳  
譽名陶若我本鄉子姓間亦有英發者猶吾儕所屬望其奕  
赫也茲又分為三派一曰張琯在六甲屬籍一曰張仲在七

甲屬籍一曰張乞仔在八甲屬籍迄今十餘世靡不克紹箕  
裘丕振家聲夫以吾張氏之先適駿有名而家滿宗紀不及  
今加意鼎脩非所以光昭先世之令緒也曩因嘉靖三十九  
年庚申間倭寇內訌火延祀屋家久湮未及脩纂於是杖藜  
之憇遠稽近究着意脩輯上自始祖本支靡遺下及孫初昭  
穆不紊大宗小宗彰若列眉此寔錄也嗣是子孫有聲聲  
雲昂霄科第獵青紫以無忝乃祖之休光斯為美耳凡後  
之子若孫其各欽諸以承祖考垂後裔在斯舉也謹書之  
以弁于譜

靜溪公序

張九齡 108世  
 拯 109世  
 藏 110世  
 敦 111世  
 旦 112世  
 堉 113世  
 廷 114世  
 堉 115世  
 載 116世  
 端 117世

張載字厚 北宋學者 稱橫先生 陝西鳳翔人

著錄西銘集

張端始出汀州府寧化縣石壁村

張載十三世孫 張日中原籍江西建昌府南城縣宋端宗  
 之年任福建興化府通判其孫張夫任惠安縣主簿

張夫是休后居安溪縣湖頭鎮



# 序

夫族之有譜所以序昭穆勸親親也張氏之傳其來舊矣惟譜不立故世數莫得而徵蓋有視宗親為路人者亦有昧認親為同姓者凡此皆可深病而莫之省憂也某自早歲竊有志於是焉而未之逮也萬曆九年癸酉間居書室忽念及此又思行年七十有三西山日暮若不於今立譜以示後人不惟素志未伸抑恐源遠而流益分派別而本遂忘親疎莫辨倫序失次使後之視今亦猶今之視昔也豈不深可慨也夫於是襲義安公記藏之目始自日中公歷序昭穆推衍世數支分派別脉絡相承子姓兄弟昭然燦然莫後有興者嗣是而濬其源以洪其流則張氏之傳可與天地同悠久矣是則今日拳拳之意蓋深有望於後人云

萬曆癸酉年冬十月朔日

福溪公序

序

司馬氏列傳世家者數矣至始終巔末之故善敗淑慝之符  
未嘗不津言之也懸方鏡於筆端別淄澠於隻簡至今讀  
之如與身遇夫家之譜即國之史也考世萃渙於是乎在譜  
失而子孫忘其所自如郭崇韜之遙拜汾陽是飲河而昧其  
源也則譜之重與史埒列矣清溪庵邊張氏湖浩族也族之  
敬齋公者郎外王父也從叔福溪公以高邵冠帶始出  
義安公所記者纂為譜邈德夫公而下之世凡七昭穆咸  
在其為後鑒脩矣世久而族益夥雲初種之不重為之叮嚀  
無逾遠而愈勞其派乎舅氏潛溪翁雅意堂梅取法福溪  
公故譜而重纂之續自隆慶迄今

上御宇之二十八年集成以示郎曰子吾家之宅相也幸從薦  
紳後可為我弁其首郎受而按之宋景炎間有張日中公者

4  
△錦山張氏通譜山世卷張氏世系  
宗祠壽康堂鈔印本共廿四冊該譜是北宋哲學家吳中孚派創  
立者張載之族譜張載(1020-1077)字子厚漢留侯張良之後裔  
唐太宗時員外郎聞斯公之十四世孫先世居大梁其祖父名夏  
宗真宗時任給事中其父迪仁宗時任殿中丞一知洛州(今四川洛陵)  
事後做官做官陝西從后風翔眉縣橫渠鎮張載墓墓係進士官祁州司  
法考畢云山石令子因字文道官外郎如京字正之官兵部郎中



橫渠先生裔也仕閩糾兵勤王其孫 德夫公以官賍累遂  
埋光劇采步趨入湖卜居感化里福山福德庵之旁而張氏  
淵源有自來矣迨義安公啟立公濬其源一郎二郎分其派  
而兩冠帶公後先揚其波譬之樹然德夫根也若安若立幹  
也秉弘上下諸公則其枝葉暢茂而森！垂蔭者矣從此而  
拂雲干霄庸得以尋尺計哉乃若善惡示鑒是後事之師也  
奕世而下展而撫焉某也胡以玷宗胡以滅後則思所以戒  
其覆轍某也胡以丕承胡以餘慶則思所以紹其芳規紙上  
臧否人物猶然揚眉吐氣矧見祖宗步武而不油然動悚然  
懲乎思深哉舅氏之意用以法祖至孝也用以淑後至仁也  
用以討故實而懲淑慝至明也殆譜中之司馬也耶雖然纂  
譜難而光譜更難荆山之璧價重南金荆山重璧乎璧重荆  
山也爾列祖培植有年積厚流光嗣是而有方正奇杰者出



以文章華國桂馥蘭馨信無忝日中公之胄而茲譜也不  
昭昭乎揭日月哉語曰青出於藍而勝於藍敢以告夫後之  
光昭者謹為贊五為傳二以脩述稽焉

萬曆庚子<sup>七年</sup>之秋邑庠生愚甥余應郎頓首拜書

### 序

余讀坡公譜序云蘇氏之譜、蘇氏之族若我張氏之譜亦  
以譜張氏之族也張氏之來遠矣前人述之脩矣然既作之  
於前而不有述之於後非所以承先人志也予於是不得不  
重脩而重整之使後裔觀譜中之善惡前世之興衰父教其  
子兄誨其弟叔誠其姪士農工商各事其事業其業耕者有  
積倉讀者多得祿乃能揚名顯親光前垂後則日中之忠

張載三世以名楷字楚昭官平令隨宗室南渡并官家居歙具  
張載八世如生庚由歙具徙居錦山

貞世、傳法而張大之斯亦譜中之浩族與海內十名家同  
為並驅而齊駕矣

康熙<sup>己巳</sup><sub>1689</sub>年<sup>共</sup>秋穀日十六世孫席華頓首拜序

### 序

予讀靜溪公福溪公諸譜序弁言乎恢々乎典贍詳核覺吾  
宗友派源流了然心目矣夫譜之為義匪獨考世系序雁行  
已也昭善敗於毫端寓勸懲於言表而垂訓後嗣之旨亦  
脩焉是譜之所關者重而後之脩夫譜者亦不可苟也第自  
靜溪公福溪公後屢經亂離繼以倭寇之禍卷帙散亡其  
得諸麓中者大抵存什一於仟佰披閱之餘不勝殘缺失次  
之傷迨康熙二十八年間九如伯而重脩之辨昭穆別倫次



然後向之紛然無紀者今則秩然有序矣但閱數十春秋子孫蕃衍承襲綿延脫非類族以辨其名分立譜以叙其彝倫則亂我宗桃勢必等至親於行路冒他族為本支若郭崇韜拜汾陽故事昭々可鑒也烏有如狄青輩自分其一時之遭際而恥冒梁公為遠祖耶爰是偕允循弟博採舊聞細加纂輯若網在綱有條不紊於是工承祖武下貽孫謀或者其庶幾乎若夫取前烈而光大之使家聲丕振令緒光昭以上追始祖之風於不替是在後之賢子孫爾矣因書以為序

雍正<sup>1729</sup>己酉<sup>七</sup>年孟春穀旦十七世孫邑庠生允彥拜序

序

語有之莫為之前雖美弗彰莫為之後雖盛弗傳若我張氏

之譜苟有不纂之於前者前其何以克彰而不有脩之於後者後又何以克傳無論千載而下世次莫辨即列祖之名號墳塋亦且蕩焉泯焉而無復有識之者不亦深可慨哉况自靜溪公福溪公纂脩以來潛溪公九如公繼脩而後於今四十春秋矣其間子孫蕃衍星分密布紛然雜陳雖以在友伯頗纂其要而不及加意鼎修終歸淆亂於是乘己酉壬春之月館事稍暇之天公受業兄用璋確查而脩之且為溯其源而辨其流紀其名號書其墳塋俾昭穆攸序炳若日星支派相承等於水木後之子若孫按譜中之紀載而知某公名號若何某公墳塋若何是則余之所拳拳者也至日中公以來列祖之屬望良奢余又安敢曰是可稍慰其萬一

雍正己酉年孟春穀旦十七世孫允循拜序



序

蓋聞族之譜即家之乘也乘以取紀載為義而譜以序雁行為先大抵族不一世代非一人上而高曾祖父下而孫子雲初雖一綫相承而世系各別設非鼎脩舊譜使名分秩然昭穆不紊則亂我宗祧勢不至彝倫失序瀆亂綱常不止吾宗自始祖以來世代湮遠支分派別又遭倭寇之餘譜籍散失其有待於後之纂脩者甚亟歲戊申余父偕允循叔父苦心纂輯雖與靜溪公福溪公之承先裕後大不相侔然而表揚先澤丕振前徽使後之視今亦猶今之視昔則後有興者豈予望之矣

雍正己酉年孟春穀旦十八世孫伯簪拜序

129

序

人之有祖猶水之有源木之有本也水木興思而知我張氏之根源出於德夫公肇基福山庵邊凡七世門祚衰薄至一郎公二郎公伯仲分派蕃衍聯卿敦厚後溪等處而祚胤之昌熾自此始矣迄今十餘世振々繩々不有譜牒之載何以知其伯仲何由知其昭穆然而家乘之作由來舊矣靜溪公福溪公開創於前潛溪公九如公繼輯於後伯父用璋叔父允循嗣脩在邇至此又閱四十春秋若不乘時再輯不惟源遠而流益大派別而支難明夫纂脩必待人而行余二人學淺才疏自知不能也明矣第念譜牒之事關係匪輕綱紀具載義在必明於是引繩就墨較大挈長上追祖考下貽孫謀其厚望正未有艾也

乾隆<sup>1755</sup>丙酉仲春穀旦十八世孫伯對伯保全頓首拜序



重脩族譜告竣弁序

譜必有誌重遺失也其於叮嚀反覆之旨前已言之詳矣大略三十年宜一脩耳目較近徵事脩實老者未至荒耄幼者初逮壯強話言一堂覲面可考斯免錯悞之患耳遙憶我祖靜溪公福溪公九如公代為明脩續後雍正己酉春伯父允彥公乾隆己酉歲族兄伯對公相繼脩輯彙成卷帙述也非作也幸其不肆殘亡雖久而猶徵焉茲又倏忽三十餘載矣伯子以上始復蕃衍孫奕而下倍增瓜綿吾知曩者之脩功既倍前則今之脩較曩尤多假令及今不脩必終有至於不勝脩者余用是深為隱憂爰向眾而告之曰譜例三十年一脩今其時矣眾亦欣然共成勝事余即為朝夕考稽不遺暇力墓忌詳載克展孝思亦足見一謹小慎微以求無憾於乃心已耳是為序

嘉慶<sup>三</sup>戊午<sup>1798</sup>桂月穀旦十八世孫伯肅頓首拜序

重脩族譜董事十八世孫汝山

伯竣

伯輔

十九世孫子寄

子嵩

子方

二十世孫文進

文萬



重脩張氏族譜

是歲孟春之月余遊於聯卿列位叔臺等囑余以重脩族  
為請承先人之遺訓重本計也余祖與叔臺祖溯其本源  
同為一宗况又雅受重愛義實難辭然創始既有先規沿  
習自非難事於是仍其舊貫重而脩之上自始祖

日中公原籍建昌府南城縣宋端宗元年任興化府通判

江西

身榮於朝前序有述姑無復贅至其孫德夫公任泉州府惠  
安縣主簿以官賍事累籍沒家產遂隱晦逃入安溪感化里  
觀其山川秀麗就於福山鋪福德庵邊之旁遂擇地構屋  
而居焉是為清溪感化之福山然自德夫公逝而及之以至  
於九世祖之秉道公秉機公秉懷公分居第宅鑒之前譜雖  
有殘缺失次而家潢宗紀尤灼焉余今重脩之筆故不敢  
加而亦不敢削述也非作也自靜溪公福溪公允彥公